



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Capvt LXXXIV. Cantv Et Corpvs Et Animvs laudat Deum.

urn:nbn:de:hbz:466:1-42349

chorum virginum perpetuam castitatem professarum, quando-
cumq; Iulianus illuc pretergrederetur, cum illis canebat eos potissi-
mum Psalmos, quibus simulachrorum debilitas scire deridetur,
vt Psalm. 113. Simulachra gentium argentum & aurum. Illis
autem conticescere iussis, sed maiori alacritate perseverantibus
impius Imperator ira efferuescens, Publiam ad se perductam
verberari per satellitem, & genas manibus cruentari iussit. Ista
Theod. lib. 3. c. 17. sua hist. Sanè cum diuinum Missæ sa-
crificium, cum de Sanctis vel fidelibus defunctis offi-
cium, cum Litanias, & id genus alia canimus, satis nos
esse Catholicæ Ecclesiæ sectatores demonstramus, &
dum non erubescimus in Deum nostrum ejusq; præ-
cepta & dogmata confiteri coram hominibus, nec ille
erubescit nos confiteri coram Patre suo & ipsius Angelis.
Matth. 10.

CAPVT LXXXIV.

CANTVET CORPVS ET ANIMVS
laudat Deum.

§ Secunda cantus utilitas, quod hac ratione mem-
bra nostra exhibeāus arma iustitiæ Deo, vt nos hortatur
Apostolus Rom. 6. v. 13. & corpora nostra hostiæ viuente, Sanctā
Deo placentem Rom. 12. v. 1. dum non solum spiritu, sed et-
iam portamus & glorificamus Deum in corpore nostro. 1. Cor.
6. v. 20. Denique ad Hebr. 13. v. 14. monet, per Christum
Mediatorem & Pontificem nostrum, vt perpetuas gra-
tiarum actiones, & laudes non tantum corde, sed &
ore offeramus. Per ipsum, ait, offeramus hostiam laudis *Lingua et*
semper Deo, id est fructum labiorum confitentium no- *tiam Deum*
mini ejus, id est, canentium & celebrantium ejus Nu- *concelebrat.*
men, illius potentiam, sapientiam, bonitatem, mise-
ricordiam, iustitiam, quas Dei aliasque perfectiones
contemplans Dauid vno breui Psalmo 8. bis excla-

O s mat.

*Labiorum
vitali Deo in
laudem sacri-
ficium im-
molandi.*

mat. Domine Dominus noster quam admirabile est nomen tuum in vniuersa terra. Quam admirabilis potentia tua &c. Alludit autem id loci Apostolus ad Hoseam ad vocalem Dei laudem excitantis sententiam cap. 14. vers. 3. Tollite vobiscum verba, & conuertimini ad Dominum, & dicite eidem, aufer iniquitatem, & accipe bonum, & reddemus vitulos labiorum nostrorum. Vbi LXX. reddemus fructum labiorum nostrorum. S. Hieronymus in eius loci Comm. Tollite, inquit, vobiscum verba, id est, preces & delictorum confessionem, & conuertimini ad Dominum, tam verbis quam operibus, & dicite ei: Omnem aufer iniquitatem: nihil languoris in nobis & ruina pristina derelinquas, ne rursus mali seminis pullulent rediuiua plantaria, & accipe, inquit bonum. Nisi enim tulerit mala nostra, quod tibi offeramus, habere non possumus. Vituli autem labiorum laudes in Deo sunt & gratiarum actio, quos se reddituros dicunt, id est, Dei laudes perpeti voce canturos. Ergo Domine repleatur os nostrum laude, vt cantemus gloriam tuam, tota die magnitudinem tuam, Psalm. 70. v. 8. & vt omni ex parte perfectissimum tibi prestemus obsequium, & animo ardentissimis votis, & corpore clarissima voce præconia tua celebrare nunquam cessemus, vt tandem & cum electis tuis, in cœlesti patria te Deum & omne bonum nostrum ac finem desideriorum nostrorum sine fine videamus, sine fastidio amemus, sine fatigatione laudemus. Beati qui habitant in domo tua Domine in sacula seculorum laudabunt te Psalm. 83. nec à laude deficiunt, quia ab amore non deficient.

C A P. LXXXV.

SACER CANTVS PRAVOS CORRIGIT mores:

§. TERTIA vtilitas cantus, quod flagitiosos homines miris modis ad vitæ emendationem inuitet & alliciat.